

ТУРШАЛГА ДҮҮРЭХЭНЬ

Буряадай Президент Леонид Потапов хүдөө ажыхын эд бараа үйлэдбэрилэгшэдтэ нийтэ эдөө соолой налог ашалгаар туршалга болон республикын базова аймагуудай хүдөө нютагуудые мунгэ зөөрээр тэдхэлгы болуула тухай Зарлигта гар табиа.

Правительствын түрүүлэгшын орлогшын - Хүдөө ажыхын болон эдөө хоолой министрэй уялга дүүргэгшэ Петр Болоневые энээнине тайлбарилжа үгэхыень гуйһан байнабди.

Нэгдэхээр, мүнөө үедэ нийтэ нэгэн эдөө хоолой налог татаха гэжээ эхэ ороо хүшэр байба, тиймэһээ энээнине болуула шиндхэбэри абтаа. Мүнөө бүхэ Росси дотор нийтэ нэгэн газарай налог татагдаг болохонь.

Хоёрдохоор, нийтэ эдөө хоолой налог нэбтэрүүлжэ үзэхэн хадаа нийтэ нэгэн газарай налогон талаар хүдэлмэри ябуулахдаа дүршэлтэй байхабди гэжэ би тоолоноб. Туһатай байхань арсаһагүй.

Гурбадахаяр, энэ туршалга тухай шиндхэбэри абахадаа, Россия нийтэ нэгэн хуули ёһонуудтаа зурюу ябадал гаргаабди.

Байгша оной дүүрэтэр энэ туршалга үргэлжлүүлэгдэхэ байна. 1999 оной январь һараһаа эхилжэ дунгуудээ шэижэжэ эхилхэбди. Хэһынь энэ хэрэгһээ гарзатаагүй гэжэ тэмдэглэхэ хэрэгтэй.

Тэрэниие саг соонь түлөөгүй ушар гаргагдаа. Тийхэдээ мунгэ зөөрээр гү, али эдөө хоолоор налог түлээгэ оройтуулагдадаг байгаа гү гэжэ элирүүлэхэ хэрэгтэй.

Фискалын албан зургаанууд эдөө хоол тушаан абалгада бэлэн бэшэ байгаа. Тэдэ эдөө хоол тушаан абалгы ямар гуримаар ябуулхаяа хараалжа байнхай. Тийхэдээ эдөө хоол бага багаханаар тушаан абтахаар түсэблэгдэхэ байна. Юуб гэхэдэ, 5 аймагнаа эхэ хэмжээгээр эдөө хоолой зүйлүүд орожо эхилхэдээ, саг соогоо худалдагдаха талаар ороо байдал ушаруулаа. Эдөө хоолой корпораци худалдаа-наймаа эмхидхэхэ газаргүй байшоо. Хүдөө ажыхын продукци үйлэдбэрилдэг предпритинуудта налог түлээгэ дэлгүүр байгуулаабди. Эдөө хоолой нийтэ нэгэ налог хүдөө ажыхын продукци үйлэдбэрилэгшэдтэ һайн түлөө үзүүлэхэниие арсаһагүй.

ПРАВИТЕЛЬСТВО ҮҮСХЭПЫЕНЬ ДЭМЖЭБЭ

Ерэхэ шэнэ жэлэй февралын 15-да Афганистанаа совет сэрэгэй гаргагданаар 10жэл гүйсэхэнь. Афганистанай ветерануудай Россия бүлгэм энэ үдэртэ зориулагдаһан хэмжээ ябуулгануудые үнгэргэхэ үүсхэл гаргаба. Залуушуулые сэрэгэй-патриотическа талаар хүмүүжүүлэхэ, дайн байлдаануудта хабаадаһан Россия залуу хүбүүдэй дурасхаалые мүнхэлэхэ, афган дайнай ветерануудай, тэдэнэй гэр бүлэнүүдэн социальна талаар шиндхэгдэггүй асуудалнуудтань нүлөөлэхэ гэжээ тэдэнэй гол зорилгонууд болоно.

Манай республикын Правительство энэ үүсхэлыень дэмжэжэ, энэ үдэртэ зориулжа

хэмжээ ябуулгануудые бэлдэжэ үнгэргэхэ эмхидхэлэй комитет байгуулба. Тэрэниие социальна политикын талаар вице-премьер Евгений Ханхалаев толгойлоб.

Шэнэ жэлэй январын 10 болотор хэмжээ ябуулгануудай түсэблэхыень эмхидхэлэй комитедтэ даалгагдаа. Республикын хото городуудай болон аймагуудай өөһэдэн хүтэлбэрин толгойлогшонорто эдэ хэмжээ ябуулгануудые үнгэргэхэ хэрэгтэнь ветерануудай эмхидхэлтэ бодото туһаламжа үзүүлхыень дурадхалдаа.

Буряад Республикын Президентын болон Правительствын хэблэлэй албан.

Парти болон хүдэлөөнүүдтэ



ЛДПР-эй Буряадай ангиин конференциин үгэдэ. 19.12.98 он.

ТҮРҮҮШЫН СЪЕЗДЫН ДЕЛЕГАДУУД

Тээсгэн Агын тойрогой захиргаанай дэргэдэ эхэ сулаан болобо. Эндэ район болон нуурин тосхонуудай, түбэй эмхи зургаануудай түлөөлэгшэд хабаадаа.

Сугларагшад округой захиргаанай толгойлогшо Б.Жамсуевай орон түрын байдал тухай тодорхой мэдээсэл шагнаа. Удаань «Отечество» гэжэн бүхэроссин хүдэлөөнэй регионалына эмхи байгуулаха тухай асуудал зүбшэн хэлсэбэ. Сулаанда хабаадагшад энэ сунамжые нэгэн дуугаар

ШЭНЭ СОНИН

Иимэ гаршагтай шэнэ газетэ манай республикада мүнцэлбэ. һарадаа хоёр удаа гаража байха зорилготойгоор хэблэгдэхэн энэ газетэ Россия Арадай патриотическа холбооной Буряадай ангиин нэрэһээ хэблэгдэдэг болобо.

Декабрь харын үдэрнүүдтэ уншагшад баясуулан түрүүлшын дугаарай эхин хуудалһанда Россия Коммунист партиин бүлэгэй хүтэлбэрилэгшэ, НПСР-эй түрүүлэгшэ Геннадий Зюгановай «Патриот Бурятии» газетын уншагшадта» гэжэн амаршалгын телеграмма, Россия Федерациин Гүрнэй Дүүмын депутат, КПРФ-эй Буряадай рескомой нэгдэхэ секретарь, НПСР-эй правлениин түрүүлэгшэ Сергей Будажаповай «Шэнэ газетэ уншагшадта» гэжэн статья хэблэгдээ.

Мүн түрүүлшын, 2-дохи, 4-дэхи хуудалһануудта НПСР-эй II съезд дээрэ НПСР-эй түрүүлэгшэ Геннадий Зюгановай хэһэн элдхэл, тэрэшэлэн энэ съездэ хабаадаһан Буряад Республикын делегадуудай хөөрөөн толилогдонхой.

Гурбан мянган хэһэгтэйгээр барлагдаһан парти болон хүдэлөөнүүдэй нэрэһээ гаража эхилхэн өөрын газетэ бүхэ уншагшадай дуида талархалда хүртэхэнь дамжаггүй.

Үнгэргэгшэ нятницада нүхэр С.П. Будажаповай хүтэлбэри доро шэнэ газетэтэй танилсалга үнгэрбэ.

Бадма ЦЫРЕМПИЛОВ.

Амаршалга
Нотариус
Будажапова Ирина Васильевна
Буряад орондо ажаһуушагыё
гарахаяа байһан Шэнэ 1999 оноор амаршална.
Манай хаяг: Улаан-Удэ хото, Ербанова, 11, 308-дахин офис.
тел.: 21-58-09.

Буряад Республикын Президентын болон Правительствын хүдэлмэрин долоон

ХОНОГ

НИИТЭ РЕСПУБЛИКАНСКА ХЭМЖЭЭ ЯБУУЛГАНУУД

Декабриин 28. Буряад Республикын Арадай Хуралай ээлжээтэ бэшэ сессии.

Декабриин 29. Правительствын Президиумэй нүүдэл заседани Закаменск хотодо.

Декабриин 29-30. Президентын Шэнэ жэлэй ёһонууд Хүүгэдэй болон эдиршүүлэй зохиохы ажалай ордон.

Буряад Республикын Президент-Правительствын Түрүүлэгшэ **Л.В.ПОТАПОВ**

Декабриин 28. Арадай Хуралай ээлжээтэ бэшэ сессиин хүдэлмэридэ хабаадалга.

Декабриин 28. Тогтууритай хүгжэлтын институтдай нээлгын баяр ёһолоодо хабаадалга.

Декабриин 28. ВЧК-гай заседани.

Декабриин 29. Закаменск хото ажалай хэрэгээр ошолог.

Декабриин 30. Горьмонзавод ошолог.

Декабриин 31. Онохойн ЛПК ошолог.

Декабриин 31. Республикын ажаһуушадта Шэнэ жэлэй хандалга.

Буряад Республикын Правительствын Түрүүлэгшын Нэгдэхэи орлогшо **В.К.АГАЛОВ**

Декабриин 28. «Молоко» нээмэл түхэлэй акционернэ бүлгэм гэхэн предпритида нүүдэл зүблөө үнгэргэлгэ.

Декабриин 29. Хэһээлтэдэ хабаадуулгын Управление дэмжэлгээр зүблөөн.

Декабриин 29. «Гүйсэхэхы засагай гүрэнэй зургаануудай ашаг үрэтэй хүдэлмэриие сэглэлгын дунгуудые гаргалга тухай» асуудалаар зүблөөн.

Декабриин 30. «Плодоовощ» акционернэ бүлгэмэй асуудалнуудаар зүблөөн.

Эрэмдэг бэстэйшүүлэе эмнэдэг Шэнэ-Хэжэнгын түбэй лифтые ашаглаалгада тушаалаа.

Буряад Республикын Правительствын Түрүүлэгшын орлогшонор: **А.Ю.НАЛЕТОВ**

Республикаһаа мунгэ зөөрин гаргалгые тоололог.

Буряад Республикын Правительствын 1999 оной ажал ябуулгын Программые түсэблэн хараалалга.

Баталагдаһан байгууламжын ёһоор Буряад Республикын Президентэ жэл бүхэндэ эльгэгдэг материалнуудые бэлдэлгэ.

Загарайн районой финансын таһагай хүдэлмэриилэгшэдэй аттестаци үнгэргэлгэ.

Е.К.ХАНХАЛАЕВ

Декабриин 30. Опера театрта «Рождественскэ уулзалганууд» гэжэн залуушуудай Шэнэ жэлэй үдэнэ.

Декабриин 25-28. Пост, кинорежиссер Б.Халзановай дурасхаалда зориулагдаһан хэмжээ ябуулганууд.

Декабриин 29. Буряад эстрада дуунай мүнөө үсын байдалай асуудалаар «Дүхэрэг шэрээ».

Декабриин 29. Элүүрые хамгаалгын министрствын коллети.

В.В.ПЕРЕЛЯЕВ

«ЛВРЗ-е гүрэнэй талаһаа дэмжэхэ тухай» Буряад Республикын Президентын Зарлигтай проектые зүбшэлгэ.

Буряад Республикада транспортын хэрэгсэлнүүдэй гүрэнэй техникческэ харалга үнгэргэхэ тухай гурим зохион табила.

«Һургуулиин болон тэрэндэ адлидхалдаһан эмхи зургаануудай дэргэдэхэ столовонуудай эриатэ хангалгануудта сертификат олгохо тухай» Буряад Республикын Правительствын тогтоолой проект бэлдэлгэ.

Улаан-Удэ хотын захиргаантай хамта ашаглаалгада тушаагдаха гүрэнүүдэй шанар тухай хүдэлмэрини зүблөөнүүдые үнгэргэлгэ.

Декабриин 29. «Буряад Республикада сейсмическэ талаар аюулгүй байдалай түлөө» федеральна программые дүүргэлгын ябасые зүбшэн хэлсэлгэтэйгээр сейсмомониторингын талаар консультативна Советэй заседани.

П.М.БОЛОНЕВ

«Республикын АПК-гай 1999 оной экономика ажал ябуула тухай» Правительствын тогтоолой проект зүбшэлгэ.

Ури шэриез түлээжэ шадахагүй ажахиинуудта панхарууталгын ябуулгые түргэнөөр хэрэглэхэ хэмжээнуудые хүсэд бүридхэлгэ.

«Целинный» совхозой ревизиэдэ хабаадалга.

«Нютагай үйлэдбэрини эдөө хоолой зүйлнүүдээр дэлгүүрые элбэгжүүлгээр хэмжээнууд тухай» Буряад Республикын Правительствын тогтоолой проект зүбшэлгэ.

В.А.ПОЛЮТОВ

Үмсэлэлгын гүрэнэй программын гуримуудые һунаалгаар документүүдые бэлдэлгэ.

Элбэгээр ушардаг ашагта малтамалнуудта лицензи олгохо тухай гурим зүбшэлгэ.

Акционернэ бүлгэмүүдэй болон объектиүүдэй акцинуудые худалдалгаар аукцион.

«Улаан-Удэстальмост» акционернэ бүлгэмэй финансова байдал зүбшэн хэлсэлгээр албан хоорондын балансова комиссини заседани үнгэргэлгэ.

Буряадай РКЦБ-гай заседани үнгэргэлгэ.

И.Н.ЕГОРОВ

Үерэй хойшолонгуудые усадхалгада, федеральна бюджетэй үри шэринүүдые бусаалгада тусхай зорилготой мунгэ зөөри һомололгын гуримаар тоосоо эмхидхэлгээр, мүн 1999 оной бюджетэй проектээр хараалагдаһан урьһаламжа (трансферт) болон бусад мунгэ зөөри оруулалтаар Россия Федерациин финансын министрствэдэ хүдэлмэригэ.

Агропромышленна комплексдо үерэй хойшолонгуудые усадхалгаар Россия Правительствын тогтоолтой зохиадуулан мунгэ зөөри нютагай сан жасада оруулалгаар Россия Федерациин Финансын министрствэдэ хүдэлмэригэ.

Россия Федерациин Правительствын Түрүүлэгшын Нэгдэхэи орлогшо В.А.Густовай Буряад Республикада ерэхэн дунгуудээр даалгабаринуудаар хүдэлмэригэ.

Россия Федерациин Экономикын болон Финансын министрствэнүүдтэй Буряад Республикын социально-экономическа хүгжэлтын федеральна программа болон инвестицино проектүүдые шэжэлгэ ба хамгаалаага дээрэ хүдэлмэригэ.

Буряад Республикын Президентын болон Правительствын хэблэлэй албан.

ОЙ МОДОН ХОРИИНХИДЫЕ АБАРХА ГҮ?

Буряад Республикын Президент — Правительствын Түрүүлэгшэ А.В.ПОТАПОВ үнгэрэгшэ долоон хоногто түсэбэй ёһоор Хориин, Хэжэнгын аймагуудаар албанай хэрэгээр ябажа ербэ.

«БАГШЫЕ ҮЛДЭХӨӨХЭ - ОРОНОЙНГОО НЭРЭ ГУТААН ЯБАДА!»

Үдэшэгшэ министр-нүүдтэйгээр, комитедүүдэй түрүүлэгшэнэртэйгээр Президентын Хори нууринда декабриин 16-да ерэхэдэнь, аймагай захиргаанай байшанай дэргэдэ шотагай олохон багшанар «Багшые үлдэхөөхэ - оронойнгоо нэрэ гутаан ябадал!» гэжэ мэтын уржа лозунгуудые баринхай угтажа байгаа һэн.

Тэдэнтэй хөөрлэдэхэдөө, Президент ямар ушарһаа бюджетдэйхидтэ салн хүлээн түлэгдэнэгүйб гэжэ ойлгуулха гэжэ оролдоо. Январин эхиндэ багшанар, врачнуудта хоёр харын үринэ түлэхэ тухай Россия Правительствын мэдүүлгэ хэбшье, А.В.Потапов үндэхгүй найдүүлга үгэнгүй, жэлэй дүүртэр республикын Правительствоо имагтал нэгэ харын салн түлжэ шадаха гэжэ сэхэ руунь хэлээ.

Тиймэ харюу багшанарта найшаагдаагүй бээ, гэбшье дураа гутаан тэдэнэр байн-байн номгоржо, үнэ сэнгүүдэй ургалта, пенсинүүдые, хүүгэдэй пособиуудые түлэлгэ, залуу багшанарта гэр барилгада урьһаламжапуудые үгэлгэ, салн хүлээнэй үри продуктуудаар бусаалга тухай асуудалуудые табижа захалаа.

Леонид Васильевич асуудалуудта Хариюуасаад, үдэшэгшэ министрнүүдтэ, аймагай захиргаанай толгойлогшо А.А.Заводскойдо эдэб даабаринуудые тэрэ дороо үгөө.

«ЯМАРШЫЕ ТЭСЭМГЭЙБ ДАА ЗОМНАЙ!»

Эгээл түрүүн аймаг дотор Президент Дэрдэ-Тайлсын үйлэдбэрийн кооперативта хүрбэ. Тэрэнэй хүтэлбэрилэгшэ П.П.Помуран кооперативтай түхэл янза найн талуудтай гэжэ айлшадта хэлэб. Хүдөө ажахын продукци худалдалга дээшлээ, гол халбари болохо тарья үйлэдбэрилгэ олзотой болоо, байгша ондо гектарай 20 центнер хүртэр ороонон суглуулагдаа, энэнь шотагай эрхэ байдалаар муу бэшэ дүн болонго. Ажахыда багахан тээрмэ, өөһэдэпхидөө хангадаг пекарни хүдэлдэг. Оёдолой цех би аад, мүнөө хүдэлмэрингүй шахуу - захил хэхэ мүнэгэн зондо үгы.

«Бүд абахадамнай туһалаа хаань, олон хүүгэдтэй бүхи бүлэгэрые хубсаһатай болгохо һэмди. Харин мүнөөдөө верхопконуудые өёнбди», - гэжэ эхэнэрнүүд хэлэнэ.

«Түхэригэй унаха сар хүртэр ажахыннай байдал яһала тогтууритай боложо байгаа һэн, гэжэ П.П.Помуран үргэлжлүүлэнэ. - Эдэ хоолой корпоративтайшые тоосоһон байгаа бди. Харин мүнөө байдалнай баһал бэрхэдэжэ захалаа. Үерэй аюуһаа һү һаалимнай эгсэ муудаа. Малайнгаа тоо толгой аха аргаараа бүрин байлгха гэжэ оролонобди, тээд һү үйлэдбэрилгэдэ дотаци хэрэгтэйл даа».

«Ямаршые тэсэмгэйб даа зомнай! - гэжэ Павел Петрович сэдхэлсень зобоожо ябаһаниие сэхэ руунь элирхэйлэнэ. -

Хэзээнэй бодото мүнгэ үгэнэгүйбиди даа, тээд хүнүүднэй хүдэлхөөр, хубингаа ажахынуудые эрхилхээр гарасалданал даа. Энэ газарһаа бэшэ хайшаа ошохо биди, тиймэхээ саашаа амидархая бодохо хэрэгтэй».

Амидарха аргануудай нэгэн-модо бэлэдхэлгэ, тиймэхээ ажахы модо ехээр бэлэдхэхэ шэглэл абанхай.

«ОЙ СОО АЖАХУУДАГ ААД, ОЙГОО ХАРАНАГҮЙБДИ»

Хубилган шэнэдхэлгын хүжэртэр Хандагай нууринда найн леспромхозтой, тэндэнь 400-гаад хүн хүдэлдэг һэн. Харин мүнөө «Хандагай АО-до 120 хүн хүдэлжэ, жэлдээ 15 мянган кубометр модо отолжо, Онохой худар ашажа эльгэнэ. Хүдэлмэришэдэй дундуур салн - 400-500 түхэриг, тэрэнь гол түлэб гурилаар, хамнабарин ажахын мяхаар түлэгдэнэ.

Отолхо модомнай гайтайхан, - гэжэ АО-гой хүтэлбэрилэгшэ В.И.Сафронов Президенттэй бэрхшээлээр хубаалдаба. - Лесничествын аукцион үнгэрэхэдэнь, зузаан халааһатай гададын шурашуу эрхим модотой делянуудые абажархина, харин бидэндэ хадын ташалангуудай ой үлэнэ».

А.А.Заводской энэ хэлсэшые дэмжэжэ, урданай хидал, захиргааниие ойн эзэн болгобол дээрэ, энэ ушарта мүнэгэн аймагай сан жасада орохо байгаа гэжэ тоолоно.


А.В.Потапов энэ асуудалые хиналта дороо абаад, харин ороонуудта модо худалдалгы дээшлүүлэхэ зүшэл АО-гой хүтэлбэрилэгшэдэ үгөө: «Хүнүүдые дэмжэхын тула нимэ юумэ хэхэ хэрэгтэй».

Техникэ худалдажа абалгада мүнгөөр туһалха тухай В.И.Сафроновой гуйхадань: «Инвестиционно проект бэлдэгты, хамгаалжа шадабал, мүнгэ абыхат», - гэжэ Президент дурадхаа.

Президентын ерхэншиие мэдэһэн нууринай зон захиргаанай байшан соо суглараа. Түймэрхөө хохидожо, гэр бараа, хубсаһа хунаргүй үлэгшэд гасалангаа А.В.Потаповта мэдүүлэхэдэнь, зарим тэды туһаламжа үзүүлэгдэхэ гэдэн харюу үгтөө.

Республика соогуур ябахадаа, Президент ядаруу бүлэгүүдтэ орохо гэжэ оролдодог. Хандагайда һуудаг Уваровтанай бүлэ зургаан хүүгэдтэй, хургуулин найнаһай дүрбэнһөө хоёрынһэ нурана. «Хургуулида ябаха хубсаһагүй», - гэжэ эсэгшэ хэлэнэ. Зүгөөр гэр соохи гуримгүй байдалаар тухайлхада, түрэлхидын архин мүнгэ олодог лэ янзатай.

А.В.Потапов, энэ бүлын эсэгэ хоёрой хоорондо нимэ хөөрлэдөөн болоо: «Малдоундэ баринагүйбта?» - «Үбһэн хэрэгтэй аад, сабшаха газар үгы даа».



корпус барилгада мүнэгэн үгы, энэ ушарһаа үбшэнтэн һарадаа нэгэ дахин табилга абажа, гэртээ ошожо, бээ угаадаг. Республикын туберкулёз үбшэнэй талаар Росси соогоо түрүүшүүлэй тоодо ородогые хараада абан, А.В.Потапов тубсанаторидо мүнгэ оложо үгэхэ заабари үгөө.

СЭДХЭЛЭЙ СЭБЭР БАЙХЫН ТҮЛӨӨ

Ноябрь һара соо Хорин аймаг байгуулагдаһаар 75 жэлэйнгээ өйе тэмдэглээ. Энэ үдэр аймагай түбтэ дуган нээгдэһэн байна. Дуган миил 6 һара соо баригдаа юм. Анаа дасанай шэрээтэ дуган барилгада туһа хүргэһэнэй түлөө аймагай хүтэлбэридэ баяр хүргөө, Президентшые шэнэ дуганда 15 мянган түхэриг үргэбэ. Шэрээтэ Анаа дасанайнгаа ерэхэ жэлэй зунай найрта Президентые уржа.

Хорин аймагай КБО мүнөөдөө хүдэлхэн хэбэртэйшые һаа, 100 хүнэй хүдэлдэг байһан коллективтэ мүнөө 37 хүн үлэнхэй. «Энэ байшангаа һахингаа салнгай орондо өөһэдтөө хубсаһа өёнбди. Байшанайнгаа нэгэ хубиие арцадэ үгэдэйшые һаа, үбшэнһөө олон үритэйбди», - гэжэ КБО-е даагша хоёрэнэ.

Яагаад амидархаб? КБО-гой хүдэлмэрилэгшэд шотагай техникэскэ мэргэжэлэй училищын хүтэлбэригтэй хамта нимэ арга олоо гэдэл, КБО-гой үндэһэ һуури дээрэ һуралсаһай үйлэдбэрийн түб эмхидхэхэ. Али алиндань аша туһатай: томохон байшаниие хоонон байхагүй, тоног түхэрлэгшүүдэйн бүтэн тула хүдэлмэрийн газарнууд залуушуудта гаража үгэхэ. Һүүлшын энэ ушар бүринше шухала. Президент энэ үүсхэлые дэмжээ.

«Хорин шубунай фабрика» ОАО 50-яад онуудай эхээр бии болоһон аад, 90-ээд онуудаар тэндэ 10 миллион үндэгтэ, 1,5 мянга үлүүтэй тоно шубунай мяха үйлэдбэрилдэг һэн. Эндэхи үндэгээр гансашы өөрын аймаг бэлэ, Хорин, Яруунын, Хэжэнгын, Баунтын аймагууд хангагдааг байгаа. Һүүлэй үедэ энэ талаар эрид

уналга ушараа. -Сагаа алдаабди, - гэжэ фабрикын директор Бато Сампилович Цыбинков тоолоно. -Недондо зоноо хайрлаад, гурбан цехээ бүрин байлгаа һэмди. Зүгөөр зоноошые, шубунайнгаа тоо толгойшые хороохо байгаа бди. Тингээдые тэжээлэй шанар муудаа, мүнэгэнэй үгы дээрһээ белогууд, витаминууд дутаадана. Хүдэлмэрилэгшэднэй табан һара соо салн харанай. Эдэ хоолой корпорацида, Заудинский мелкомбинатта туйлай ехэ үритэйбди.

-Фабрикые абарха хэрэгтэй. Республикын бага сагааршые туһалаа хаань, гарасалдаха бди. 15 жэлдэ хүтэлбэрилэгшэ байха үедөө фабрикын зондо хэрэгтэйные ойлгооб, - гэжэ Бато Семенович тобшоно.

ӨӨҺЭДТӨӨ НАЙДАХА

Аймагай эдэбхитэдэй суглаан дээрэ захиргаанай толгойлогшо түрүүлэн үгэ абан.

- Августын уналгын һүүлээр аймагайнэй тоо орёо байһан социально-экономическа байдал бүри муудаа, - гэжэ тэрэ хэлэб. -Үйлэдбэрилэгшэдэ продукция хэмжэн урда жэлэй арай шамай 53 процентдэ хүрэнэ. Бүхи талаар: һү, нооһо, үндэгтэ үйлэдбэрилгөөр доройтолго болоо, эбэртэ бодо малай тоо толгой эрид хороо. Байгша оной үерһөө боложо, бэлшээрнүүд ехээр хохидоо. Ажалгүйдэгшэдэй тоо олоһороо. Эсэстэнь гэмтэ ябадалуудай тоогоор аймаг республика соогоо хоёрдохи һурида гаранхай.

Иимэ байдалһаа модо бэлэдхэлгэ, экспортдэ гаргалгы дээшлүүлхэнэй ашаар гараха бди гэжэ аймагай толгойлогшо тоолоно. Республикын хүтэлбэрилэгшэдэй туһаар шиндхэгдэхэ эргэгтэй хэдэн асуудал тэрэ табяа.

Аймагай хургуулинуудай, предпритинуудай, ажахынуудай хүтэлбэрилэгшэд өөһэдынгоо бэрхшээлнүүд тухай хөөрбэ. Тинхэдээ Президентэ, Правительствода мина элдэб юумэ эрнжэ ханданагүй, харин мүнөө ямар аргаар гарасалдажа байһанаа,

зонойнгоо байдал саашадаа зарим тэдыгээршые найжаруулахын тула юу хэхээ хэлэб. Юрэ, Москваһаа мүнгэ эльгэхэ «пагасада» бэшэ, харин тон түрүүн өөһэдтөө найдаха хэрэгтэйе булта ойлгоо.

Министерствэнүүд, албан зургаануудай хүтэлбэрилэгшэдэй һүүлээр А.В.Потапов аймаг соогуур ябалгын дүнгүүдые согсолоо.

Аймаг соогуур һүүлшын түсэбтэ ябалгын һүүлээр жэл хахад үнгэрөө. Тэрэ ябалгын дүнгүүдээр Правительствын болон шотагай өөһэдын хүтэлбэрийн хоорондо хэлсэн зохогдоо һэн. Үнгэрһэн үе соо хэлсэһэнэй олонхи зүйлнүүд дүүргэгдээ.

Найн талан гэдэл, үерэй болоошые һаа, хоринхид ургасаяа хуряжа абан. Тийн эгээл шухалань, соёлойнгоо халбари: кинотеатрые, республика соохи эгээл үшиһэй библиотекэ, хизаар ороноо шэнжэлгын музей бүрин үлөөжэ шадаа...

- Гэхэ зуура ерээдүйн тарилга һанаамни зобооно, - гэжэ А.В.Потапов хэлэб. - Хүдөө ажахын техникэ хуушараа, шэньне абаха мүнэгэн үгы. Тиймэхээ ажахынууд хоорондоо хамжажа, хабарай тарилгада бүхыгөө мүнөөнһөө уридшалан бэлдэжэ эхилэхэ.

Президент аймагай социально-экономическа хүгжэлтын программа зохохы, гэмтэ ябадалуудтай, илангаяа хуули бусаар хара архи худалдалгатай тэмсэл шангадхачые, хоорондын тоосоной үрин талаар Комиссийн хүдэлмэри нэргэжые зүбшөөд, модо бэлэдхэлгэ, экспортдэ гаргалгы дээшлүүлэхэ талаар аймагай абанай шэглэлые найшааба.

- Ерэхэ жэл бүри хүндэ байха, - гэжэ А.В.Потапов түгэхэдэнь тобшоно. - Росси уналга республикыннай хэдэн жэлээр гэдэргэнь хаяа. Мүнөө дүүргэгдэмээр бюджет абаха хэрэгтэй. Тэрэ тон эрид хизаартай, шахардуу байха. Тээд тохоолоһон байдал энэшине бааханаа.

Зинаида ШЕВЦОВА, «Бурятия» сониний корреспондент.

БУРЯД РЕСПУБЛИКЫН АРАДАЙ ХУРАЛАЙ ГРАМОТАНУУД

Албан уялгануудтаа ханамжатайгаар хандаһанайнь, ажалдаа амжалтануудыг туйлаһанайнь, мүн Хуули зохёолгын ажыбуулгада эрхэмтэйгээр хабардаһанайнь түлөө Хяагтын аймагай байгуулагдаһаар 75 жэлэй ойтой дашарамдуулан, Буряад Республикын Арадай Хуралай Совет 1998 оной декабриин 17-ной Тогтоолоор Хяагтын аймагай захиргаанай финансын таһагай ахмад бухгалтерай орлогшо БАДМАЕВА Светлана Ирдэнжаповнае Буряад Республикын Арадай Хуралай Хүндэлэлэй грамотаар шагнаба.

Дээдэ мэргэжэлтэ бэлдэхэ талаар үни удаан саг соо аша үрэ ехэтэйгээр хүдэлмэрилэһэнэйнь ба түрэхөөр 70 наһанайнь ойтой дашарамдуулан, Буряад Республикын Арадай Хуралай Совет 1998 оной декабриин 17-ной Тогтоолоор Буряадай гүрэнэй университетэй Россин түүхын кафедрин профессор БАСАЕВ Геннадий Доржиевиче Буряад Республикын Арадай Хуралай Хүндэлэлэй грамотаар шагнаба.

Соёлыг хүгжөөлгэдэ ба хамгаалгада горитой хубитаа оруулаһанайнь түлөө, мүн түрэхөөр 70 наһанайнь ойтой дашарамдуулан, Буряад Республикын Арадай Хуралай Совет 1998 оной декабриин 17-ной Зарлигаар Буряад Республикын Театрай ажыбуулгада холбооной гол мэргэжэлтэ НИКОЛАЕВ Виктор Гавриловиче Буряад Республикын Арадай Хуралай Хүндэлэлэй грамотаар шагнаба.

Хуули сахилын зургануудта аша үрэ ехэтэйгээр хүдэлмэрилэһэнэйнь ба 92/2 ОВ эмхини байгуулагдаһаар 50 жэлэй ойтойнь дашарамдуулан, Буряад Республикын Арадай Хуралай Совет Буряад Республикын Арадай Хуралай Хүндэлэлэй грамотаар шагнаба.

АЛЕКСЕЕВ Михаил Андреевиче - Россин Федерациин Юстициин министрствын Буряад Республикадахи Гэмтэ ябадануудыг гүйсэхэргын управлениин 2-дохи колониин промышлени-үйлэдбэрини талаар ахмад инженер;

ПЕРЕВАЛОВ Николай Капсиковиче - Россин Федерациин Юстициин министрствын Буряад Республикадахи Гэмтэ ябадануудыг гүйсэхэргын управлениин 2-дохи колониин түймэрэй харуулай частини начальник.

БУРЯД РЕСПУБЛИКЫН ХҮНДЭТЭ НЭРЭ ЗЭРГЭНҮҮД

Гэр байрын-коммунальна ажыхын талаар габыятай байһанайнь, үни удаан саг соо оролдосотойгоор хүдэлмэрилэһэнэйнь түлөө Буряад Республикын Президент 1998 оной декабриин 21-ной Зарлигаар муниципальна унитарна «Бинго» предпритиин хүдэлмэрилэһэнэдэ «БУРЯД РЕСПУБЛИКЫН ХАНГАЛГЫН АЛБАНАЙ ГАБЬЯТА ХҮДЭЛМЭРИЛЭГШЭ» гэхэн хүндэтэ нэрэ зэргэ олгохо гэрбэл:

- РЫЖАКОВА Людмила Петровнада - предпритиин директор;
СЫСОЛЯТИНА Любовь Александровнада - үйлэдбэринэ даагша;
ШАДЗКОВСКАЯ Лидия Павловнада - хубсаһа утаагша.

Шулуун пүүрхэнэй промышлениин талаар габыятай байһанайнь, үни удаан саг соо оролдосо үүсхэлтэйгээр хүдэлмэрилэһэнэйнь түлөө Буряад Республикын Президент 1998 оной декабриин 21-ной Зарлигаар акционернэ «Түгнын шулуун пүүрхэнэй уурхай» бүлгэмэй хүдэлмэрилэһэнэдэ Буряад Республикын хүндэтэ нэрэ зэргэнүүдыг олгохо гэрбэл:

- «БУРЯД РЕСПУБЛИКЫН ГАБЬЯТА ШАХТЕР»
БАЛДАНОВ Түмэн Дашиевичта - экскаваторай машинист;
МАСЛОВ Анатолий Михайловичта - экскаваторай машинист;
ШУСТОВ Олег Геннадьевичта - экскаваторай ахалагша машинист.
«БУРЯД РЕСПУБЛИКЫН ГАБЬЯТА ИНЖЕНЕР»
НЕВМЕРЖИЦКИЙ Василий Лукничта - хадын хүдэлмэринүүдэй участогай начальник.
«БУРЯД РЕСПУБЛИКЫН ГАБЬЯТА ЭКОНОМИСТ»
ФЕДОРКЕВИЧ Татьяна Ивановнада - ахмад экономист.

Албанайнгаа ажыбуулгада амжалтануудыг туйлаһанайнь түлөө Буряад Республикын Президент 1998 оной декабриин 21-ной Зарлигаар Россин Федерациин Юстициин министрствын Буряад Республикадахи Гэмтэ ябадануудыг гүйсэхэргын управлениин 2-дохи колониин начальник ГРИШАЕВ Владимир Васильевичта «БУРЯД РЕСПУБЛИКЫН ХУУЛИ САХИЛГЫН ЗУРГААНУУДАЙ ГАБЬЯТА ХҮДЭЛМЭРИЛЭГШЭ» гэхэн хүндэтэ нэрэ зэргэ олгохо.

БУРЯД РЕСПУБЛИКЫН ХҮНДЭЛЭЛЭЙ ГРАМОТАНУУД

Республикын элшэ хүсэһэй предпритиинуудыг хүгжөөлгэдэ горитой хубитаа оруулаһанайнь түлөө Буряад Республикын Президент 1998 оной декабриин 21-ной Зарлигаар акционернэ «Бурятэнерго» бүлгэмэй генеральна директор ЛЫСЦЕВ Сергей Владимировиче Буряад Республикын Хүндэлэлэй грамотаар шагнаба.

Архивай албада үни удаан саг соо оролдосотойгоор хүдэлмэрилэһэнэйнь түлөө Буряад Республикын Президент 1998 оной декабриин 21-ной Зарлигаар Буряад Республикын Хүндэлэлэй грамотаар шагнаха гэрбэл:

- СЮСИНА Надежда Яковлевнае - Здын аймагай захиргаанай архивай таһагыг даагша;
МУНКОВЕВА Клавдия Дмитриевнае - Буряад Республикын Архивай хэргүүдэй талаар комитэдэй ахмад бухгалтер.

Ойе түймэрһөө авиацияр хамгаалха хэрэгтэ горитой хубитаа оруулаһанайнь түлөө Буряад Республикын Президент 1998 оной декабриин 21-ной Зарлигаар ой модо авиацияр хамгаалгын Забайкальска баазын индэргэ-үйлэдбэрини албанай начальник КРИВОБОКОВ Владилен Даниловиче Буряад Республикын Хүндэлэлэй грамотаар шагнаха.

Үни удаан саг соо оролдосотойгоор хүдэлмэрилэһэнэйнь түлөө Буряад Республикын Президент 1998 оной декабриин 21-ной Зарлигаар муниципальна унитарна «Бинго» предпритиин диспетчер ЧЕЛНОКОВА Мария Степановнае Буряад Республикын Хүндэлэлэй грамотаар шагнаба.

Оперативна албанай ажыбуулгада амжалтануудыг туйлаһанайнь түлөө Буряад Республикын Президент 1998 оной декабриин 21-ной Зарлигаар Буряад Республикын Хүндэлэлэй грамотаар шагнаха гэрбэл:

- ОВЧИННИКОВ Сергей Николаевиче - сэрэгэй 03277-дохи частини таһагай начальниктай орлогшо;
РОМАСЕВИЧ Андрей Владимировиче - сэрэгэй 71101-дохи частини таһагай ахалагша оперуполномоченно.

БАТОРОВ ВАСИЛИЙ ЕГОРОВИЧ

наһандаа ажалай ветеран, агропромышленина комплексын хүдэлмэрилэһэнэдэй профсоюзай Сэлэнгын райкомой түрүүлэгшэ Василий Егорович Баторов гэнтэ наһа бараба.

В.Е.Баторов 1932 оной майн 21-дэ Эрхүүгэй областини Эхирэд-Булгадай районной дээдэ-Идага нуурида түрөө юм Усть-Ордада найман жэлэй бургуули дүүргэһэнэй һүүлээр түрэл колхоздоо хүдэлөө. 1953-1958 онуудта Сахалин дээрэ Зисэсгэтэ Хүснүүдэй зэргэдэ алба хэрэгэй һүүлээр дунда бургуули амжалтагайгаар дүүргэһэн.

1963 ондо Эрхүүгэй хүдөө ажыхин институт дүүргэжэ, эрдэмт зоотехникэй мэргэжэлтэй болоһондой һүүлээр Василий Егоровичой саашанхи бүхы ажал ябуулгань Сэлэнгын аймагай хүдөө ажыхин үйлэдбэритэй холбооной алба.

Карл Марксын нэрэмжэтэ колхозой зоотехник, Химьин совхозой ахмад зоотехник, районной хүдөө ажыхин управлениин начальнигай орлогшо, начальник, районной агропромышленина нэгдэлэй түрүүлэгшэ, партиин райкомой хүдөө ажыхин таһагыг даагша, эмхидхэлэй-партийна хүдэлмэрини таһагыг даагша - ажалань зам нигэрдэ.

Һүүлшын 10 шахуу жэлэй туршада Василий Егорович агропромышленина комплексын хүдэлмэрилэһэнэдэй профсоюзай түрүүлэгшээр таһагай агайгөөр хүдэлөө.

Хүдэлхэн бүхы тушаануудта тэрэ ажалла бүхэриг илгэй, залан сэхэ эрилтэ табида аараа, хүнүүд тушаа наһаа зобожо, анхаралтайгаар хандал аараа шалгаржа, гансашы аймагтаа бэшэ, харин бүхы республика соогоо нэрэ хүндэтэй болоһон байна. Дээрэ хэлэгдгшые Буряадай АССР-эй Верховно Советэй депутадаар, Бүхэроссин колхозуудай Советэй гэшүүнээр тэрэниие хунгалга гэршэлээ. Арадай депутадуудай районно Советэй депутадаар, КПСС-эй райкомой гэшүүнээр олон удаа хунгагдаһан, олон медальнуудаар, Буряад Республикын, Россин Федерациин, АПК-гай хүдэлмэрилэһэнэдэй профсоюзай ЦК-гай Хүндэлэлэй грамотануудаар шагнагдаһан, «Буряадай АССР-эй габыята зоотехник» гэхэн хүндэтэ нэрэ зэргэдэ хүртэһэн байгаа.

Гансашы дүршэл өхэтэй мэргэжэлтэ, хүтэлбэрилэгшые бэштэ, харин тухалхаар хайн зүбшэл үгэхөөр ходоодоо бэлэн байдаг үнэн сэхэ хүчээр, эбтэй бүлэһи эсэгэ, үбгэн абаяа гээгээднэ. Хүхюун солгөөн, урагшаа наһаатай нүхэрэй гэнтэ наһа бараһан тухай мэдээн бидэһэй досоо уйдхар гануудал түрүүлээ.

Манай нүхэрэй гэрэлтэ дурасхаал тэрэниие мэдэһэн тэрэнтэй суг хүдэлхэн бүхы хүнүүдэй зүрхэ сэдхэхэдэ ходоодоо мүнхэ байха.

БУРЯД РЕСПУБЛИКЫН АРАДАЙ ХУРАЛАЙ ТОГТООЛНУУД

«ХУДАЛДАА НАЙМААННАА АБТАХА НАЛОГ ТУХАЙ» БУРЯД РЕСПУБЛИКЫН ХУУЛИ ТУХАЙ

Буряад Республикын Арадай Хурал ингэжэ тогтооно:

- 1. «Худалдаа наймааннаа абтаха налог тухай» Буряад Республикын Хуули абаха.
2. 1999 оной январини 10 хүрэтэр болзорто худалдаа наймааннаа абтаха налогогье тоололын ба түлээгын турим тухай заабари (инструкция) Буряад Республикадахи гүрэнэй налогой инспекци зохёон табижа.
3. Тус Хуулида гар табихыень болон олондо мэдээсэхыень Буряад Республикын Президентэдэ элгээхэ.

Буряад Республикын Арадай Хуралай Түрүүлэгшэ М.И.СЕМЕНОВ. Улаан-Үдэ хото, 1998 оной декабриин 28. №81-II.

«БАГА ОЛЗЫН ХЭРЭГ ЭРХИЛДЭГ СУБЪЕКТИНУУДТЭ НАЛОГ ТОХОЛГЫН, ТОО БҮРИДХЭЛГЫН БОЛОН ТООСОЛГЫН ЮРЭНХЫЛЭГДЭЭН ГУРИМ ТУХАЙ» БУРЯД РЕСПУБЛИКЫН ХУУЛИДА НЭМЭЛЭТНҮҮД БА ХУБИЛААТАНУУДЫГ ОРУУЛАХА ТУХАЙ» БУРЯД РЕСПУБЛИКЫН ХУУЛИ ТУХАЙ

Буряад Республикын Арадай Хурал ингэжэ тогтооно:

- 1. «Бага олзын хэрэг эрхилдэг субъект-нүүдтэ налог тохолгын, тоо бүридхэлгын болон тоосолгын юрэнхылэгдэһэн турим тухай» Буряад Республикын Хуулида нэмэлэтнүүд ба хубилаатануудыг оруулаха тухай» Буряад Республикын Хуули абаха.
2. Тус Хуули гар табихыень болон олондо мэдээсэхыень Буряад Республикын Президентэдэ элгээхэ.

Буряад Республикын Арадай Хуралай Түрүүлэгшэ М.И.СЕМЕНОВ. Улаан-Үдэ хото, 1998 оной декабриин 28. №83-II.

«АЖАЙБУУЛГЫН ТОДОРХОЙ ЯНЗАНУУДАЙ ОЛЗО ОРШОНОО УЯЛАГАДАН АБТАХА НИИТЭ НЭГЭ НАЛОГ ТУХАЙ»

Буряад Республикын Арадай Хурал ингэжэ тогтооно:

- 1. «Ажайбуулгын тодорхой янзануудай олзо оршоноо уялагалдан абтаха ниитэ нэгэ налог тухай» Буряад Республикын Хуули абаха.
2. Тус Хуули гар табихыень ба олондо мэдээсэхыень Буряад Республикын Президентэдэ элгээхэ.

Буряад Республикын Арадай Хуралай Түрүүлэгшэ М.И.СЕМЕНОВ. Улаан-Үдэ хото, 1998 оной декабриин 28. №85-II.

«ИГОРНО (ШУНАЛТАЙ) НААДАНУУДА ЗОРЮУЛАГДАНАН) ХЭРЭГНЭЭ ОЛЗО ОРУУЛААГАДА НАЛОГ ТОХОЛГЫН ХЭМЖЭЭ ТОГТООХО ТУХАЙ» БУРЯД РЕСПУБЛИКЫН ХУУЛИ ТУХАЙ

Буряад Республикын Арадай Хурал ингэжэ тогтооно:

- 1. «Игорно хэрэгнээ олзо оруулаагада налогой хэмжээ тогтоохо тухай».
2. Тус Хуули гар табихыень ба олондо мэдээсэхыень Буряад Республикын Президентэдэ элгээхэ.

Буряад Республикын Арадай Хуралай Түрүүлэгшэ М.И.СЕМЕНОВ. Улаан-Үдэ хото, 1998 оной декабриин 28. №87-II.

«УНАНАЙ ОБЪЕКТИНУУДЫЕ ХЭРЭГЛЭЭНЭЙ ТҮЛӨӨ ТҮЛБЭРИ ТУХАЙ» БУРЯД РЕСПУБЛИКЫН ХУУЛИ ТУХАЙ

Буряад Республикын Арадай Хурал ингэжэ тогтооно:

- 1. «Унанай объектинуудыг хэрэглэһэнэй түлөө түлбэри тухай» Буряад Республикын Хуули

абаха. Тус Хуули гар табихыень ба олондо мэдээсэхыень Буряад Республикын Президентэдэ элгээхэ.

Буряад Республикын Арадай Хуралай Түрүүлэгшэ М.И.СЕМЕНОВ. Улаан-Үдэ, 1998 декабриин 28. №89-II.

БУРЯД РЕСПУБЛИКЫН ПРАВИТЕЛЬСТВЫН БОЛОН РОССИН ФЕДЕРАЦИН НӨӨСЭЛЭЛГЫН БАНКЫН ХООРОНДОО БАТАЛНАН УРЬНАЛАМЖА АБАХА ТУХАЙ 1998 ОНОЙ ИЮЛИИН 29-ной №032-дохи ХЭЛСЭЭНЭЙ БОЛЗОРЫЕ ҺУНААХА ТУХАЙ

Буряад Республикын Арадай Хурал ингэжэ тогтооно:

- 1. Буряад Республикын Правительствата Россин Федерациин нөөсэлэлгын банкада документүүдэй ёһоор дансалагдажа, Буряадай банкаа 25,0 (хорин табя) миллион түхэригэй урьһаламжа абahan тухай 1998 оной июлиин 29-ной 032-дохи хэлсээнэй болзорыень дахин зохихо хэлсээнүүдтэ гар табижа, 1999 оной апрелиин I хүрэтэр һунаахыень зүбшөөхэ.

1999 оной республиканска бюджетэй хамгаалагдаһан үдэр бүрини гаргашануудай тоололгодо дээрэ хэлэгдгшэн хэлсээнэй ёһоор дотоодын үри шэриие хүсэддүүлэн түлэхэ ба хангаха гаргашануудыг оруулаха болон Буряад Республикын Правительствоо Россин Федерациин нөөсэлэлгын банкын урда гүйсэд хэмжээндэ ба тогтоогдоһон болзорто абahan уялануудыг дүүргэхэ.

Буряад Республикын Арадай Хуралай Түрүүлэгшэ М.И.СЕМЕНОВ. Улаан-Үдэ хото, 1998 оной декабриин 28. №90-II.

БУРЯАД РЕСПУБЛИКЫН АРАДАЙ ХУРАЛДА

Буряад Республикын Президентын ЗАРЛИГ

МҮНГЭН ХЭРЭГТЭЙ, ХАНААНА ОЛЖОХ?

Арадай Хуралаи Газарай нөөсүүдэй, аграрна политикын болон эд хэрэглэгшэдэй дэлгүүрэй талаар комитет республикын байгша зарлалай парламентда түрүүшыхиеэ байгуулагдаа юм. Нүүлшын заседани дээрээ комитедэй гэшүүд агропромышленна комплексын ерэхэ жэлэй республиканска бюджетэй проект зүбшэн хэлсэбэ. Бэдэгдэжэ байһан проектын талаар мэдээсэл Правительствын Түрүүлэгшын орлогшо - хүдөө ажыхын болон эдэс хоолой министр П.М.Болонев хэхэ ёһотой байһан юм. Харин тэрэнэй орондо депутадууд министрствын ахамад бухгалтер Е.В.Оглова гэгшые шагнаха ушартай болоо.

трактор, 100 таряа хурялгын комбайн, 100 саялжэ, 100 плуг, 50 культиватор худалдажа абаха хэрэгтэй гэжэ В.А.Гарматаров тоолоно.

Министрэй орлогшо имэ байдалһаа гараха замуудыс дурадхаа. Тодорхойлобол, ажыхынуудай өөһдэйн мүнгэ зөөри хабаадуулха, Буряадайһаа предприятинуудта хүдөө ажыхын техникэ бүтээхэ, «Агролизингын» шугамаар, бюджетэй урьһаламжаар техникэ худалдажа абаха г.м. Тэдэ эдэ дурадхалуудынь хэр дүүргэгдэхэ гэшэб? Жэшээнь, Буряадта мүнөө байдаг 200 ажыхынуудай иматгал 37-ниинь олзотой. Тэдэнэй минн 7-ниинь техникэ абаха аргатай. Имэ эрхэ байдалда 69,6 миллион түхэриг бюджетэй урьһаламжа хэрэгтэй.

Республикын Госкомземэй Түрүүлэгшын орлогшо А.В.Сафронов газарай налог тон бага гэжэ голхорно - хубийн хамһабарийн ажыхынууд тектарай минн 6,3 түхэриг түлэнэ. Тийгээдшыс суглуулагдаа болоһон налогоын газар найжаруулагдаа бэшэ, харин ондоо тээншэ гарашана.

Арадай Хуралай Бюджетэй, налогуудай, финансын болон банкуудай талаар комитедэй түрүүлэгшэ Б.Ц.Семенов ерэхэ жэлэй бюджетэй проект зохёохо хүдэлмэри тухай мэдээсэл, тодорхой дурадхалуудыс оруулаба. Хэрэгтэиень үндэһэтэйгөөр баримталаа һаа, Россия хуули газар ашаглаагын түлөө налогоыс хоёр дахин нэмээхыс зүбшөөдөг гэжэ тэрэ хэлсэбэ. Ороной хэдэ хэдэн нотагуудта энэ налогоыс нэмээхэй. Манайда гагсал Мухар-Шабэрэй район имэ юмэ хээ.

Хүдөө ажыхын талаар Комитедэй түрүүлэгшэ Б.Б.Шаралдаев тус асуудалда дахин бусаад, П.М.Болоневые шагнаха гэжэ дурадхаа. Зүгөөр урда тээншэ республикын ерэхэ жэлэй бюджет тушаа министрствын хараалан тоолоһон тоо баримтануудыс түгэс тодорхойло, үнэхөөрөө дууһан элирхэй болгохо хэрэгтэй. Харин мүнөө дээрэ ерэхэ жэлэй бюджетэй талаар Хүдөө ажыхын министрствын мэргэжэлтэдэй зарим тэдыхэн багсааламжанууд комитедэй гэшүүдтэ дурадхагдаба гэжэ Б.Б.Шаралдаев тоолоно.

Заседани дээрэ республиканска «Агроинвест» жасын хүтэлбэрлэгшэдэй тоосоон шагнагдаба. Жасаһаа урьһаар абтаһан мүнгэн хүсэд бусаагданагүй гэжэ шүүмжэлэгдэбэ.

Зүбшэһэн асуудалаар удаадахи долоон хоногто дахин сугларха гэжэ шийдхэгдэбэ.

В.БАДМАЕВ.

Буряад Республикын Президентын аграрна политикын асуудалнуудай талаар зүбшэлэгшоор Цыдыпов Батожаргал Цыдыповичеыс томилохо.

2. Тус Зарлиг төр табһан үдэрһөө хүсэндөө орохо.

Улаан-Үдэ хоте, Правительствын байһан. 1998 оной декабрин 11. №279

Буряад Республикын Президент А.В.ПОТАПОВ.

ХҮНДЭЛЭЛЭЙ ГРАМОТАНУУД

Республикын арадуудай хоорондохы хани барисаа, харилсаа холбоо бэхжүүлэгдэ габьяатай байһанайнь түлөө Буряад Республикын Арадай Хуралай Совет 1998 оной декабрин 17-ной Тогтоолоор «Буряад арадай конгресс» гэхэн регионууд хоорондын шиттын эмхиин президент ЕГОРОВ Евгений Матвеевичеыс Буряад Республикын Арадай Хуралай Хүндэлэлэй грамотаар шагнаба.

Аша үрэ ехэтэйгээр хүдэлмэрилэһэнэйнь түлөө Буряад Республикын Арадай Хуралай Совет 1998 оной декабрин 17-ной Тогтоолоор нэмээл түхэлэй «Гусино-озерско ГРЭС» бүлгэмэй

хүдэлмэрилэгшэдыс Буряад Республикын Арадай Хуралай Хүндэлэлэй грамотаар шагнаха гэбэл:

НИКИТИН Юрий Васильевичеыс - генеральна директор; ДУДЧЕНКО Сергей Борисовичеыс - электроцехэй ахалагша мастер;

САЛЬНИКОВ Петр Васильевичеыс - заһабарилгын түбэй мастерскойнуудай токарь;

МАКСИМОВ Николай Устиновичеыс - термоизоляциян талаар заһабарилгын цехэй изоляровщик.

Оролдосо үүсхэлтэйгээр хүдэлмэрилэһэнэйнь, мүн Буряадай элшэ хүсэндүүдэй эмхиин байгуулагдаһаар 40

жэлэй ойтойнь дашарамдуулап, Буряад Республикын Арадай Хуралай Совет 1998 оной декабрин 17-ной Тогтоолоор нэмээл түхэлэй акционернэ «Бурятэнерго» бүлгэмэй Улаан-Үдэнь 2-дохы ТЭЦ-эй хүдэлмэрилэгшэдыс Буряад Республикын Арадай Хуралай Хүндэлэлэй грамотаар шагнаха гэбэл:

ВОЛКОВ Алексей Семеновичеыс - торнхы асуудалнуудай талаар директорэй орлогшо;

ТОЛСТИКОВ Петр Петровичеыс - профсоюзай комитедэй түрүүлэгшэ;

БАЛАГАНСКИЙ Владимир Петровичеыс - дулаанай автоматикын болон хэмжэлгын цехэй начальник.

Хүүгэдэй зунай амаралтада анхарха шухала

Республикын социальна политикын булюу анхарал хандуулагдадаг шэглэл хадаа хүүгэдые элүүржүүлгэ, тэдэнэй зунай амаралта зүбөөр эмхидхэлгэ болон. Буряадай Правительствын тогтоолнуудай нэгэн энэ асуудалда зорюулагдаа.

Түрэлхидэй, хүүгэдэй болон эдиршүүлэй амарха болон бэе махабадаа элүүржүүлхэ талаар дээшэлжэ байһан эрилтыс хангаха зорилготойгоор тэршэлэн 1999 ондо түхэрэн жэлэй туршада хүүгэд болон эдиршүүлые амаруулха, элүүржүүлхэ, сүлөө сагынь зүбөөр хэрэглэхын тула тодорхой программа эбтаһан байгаа. Энэ программые эмхидхэлгын талаар хангалга Правительство баталба. Гадна мүнгэ зөөрээр дэмжэхэ асуудал эндэ харагдаа, мүн экономикаска талаһаа үндэһэлэлгэнь мүн лэ эндэ баталагдаба.

Ургажа ябаа залуу үетэнэй амаралтыс, мүн элүүржүүлгэ эмхидхэлгэдэ хабаатай хэдэн министрствэнүүд болон албан зургаануудта шухала хэрэгтэй даалгабаринууд үгтөө. Тэдэнэй хүдэлмэриие социальна политикын талаар вице-премьер Евгений Ханхалаев залан хүтэлбэрлэхэ болобо

Бага һуурин, тосхонуудта үмсөөрөө архи худалдахань

Архиин зүйлнүүдыс үйлдбэрлгөөр болон худалдалгаар албан хоорондын комиссиин ээлжээтэ заседани дээрэ республикада лицензтэй архи худалдаха асуудал зүбшөөгдөө. Декабрин 18-да Правительствын Түрүүлэгшын Нэгэдэй орлогшо В.К.Агалавай хүтэлбэрлхэн заседанида тусхай наймаанай газар нээгдэггүй хүдөө нотагуудта архи худалдаха үүсхэл дэмжэгдэбэ. Тусхай хэлсээ баталжа, гэр бүлэнүүд архи худалдаха, тийхэдэ хуулиа ёһоор зүбшөөгдэһэн архи болон эдэс хоолой зүйлнүүдыс худалдаһан тухайгаа саг үргэлжэ тоосожо байха юм.

Тэршэлэн хуули буса 20 тонно спирт усадхаха тухай шийдхэбэри эндэ мүн лэ абтаа.

Гадна хуули ёһо сахидаг албан зургаануудай хуули бусаар архи худалдалгатай тэмсэл шангадхаха, гэршэлгэ болон үнэмшэлгэгүйгөөр архи наймаалагшадай эрхэ сүлөөнь ханаха хүрэтэр хэмжээнүүд абтахаар хэлсэгдэбэ.

Буряад Республикын Президентын болон Правительствын хэлэлэй албан.

Хэжэнгэ нютагта

МЭРГЭЖЭЛ, ШАДАБАРИЯ ДЭЭШЭЛҮҮЛБЭ

Байгша оной декабрин 16-18-най үдэрнүүдтэ Хэжэнгэ тосхондо аймагай 18 дунда, 6 эхин хургуулинуудай хүтэлбэрлэгшэдэй, багшанарай мэргэжэл дээшлүүлгын курсда 65 хүн хабаадажа, сагай эрилтээр хүтэлбэрлэхэ, дороһоо ургажа ябаа залуу үетэниие эрдэм номдо хургаха шэнэ онол аргуудтай танилсаба. Багшанар болон хүтэлбэрлэгшэдэй урда Улаан-Үдэ хотын дээрэ хургуулинуудай бүлэг профессорнууд элидхэлнүүдыс уншаа.

БАГШАНАРАЙ ЭРИЛТЭ

Аймагай 18 дунда хургуулинуудай 8 хургуули республикын багшанарай эрилтэнүүдыс дэмжэжэ, 2-3 хоногой буһалгаа сонсохоһон байна. Хоёр гурбан үдэрэй туршада үргэлжэлһэн энэ буһалгаанда 300 гаран багшанар хабаадаа. Ядуу байдалда ороһон багшанарай эрилтэнүүдыс дүүргэхэ талаар республикыннай засагай зургаануудай хүтэлбэрлэгшэд зохихо хэмжээнүүдыс абаха бэээ гээд пайдахаар.

ЗАНШАЛТА МУРЫСӨӨН

Аймаг соо эрдэм нуралсалай хүдэлмэриие амжалтатайгаар бэсэлүүлһэн, саһаа уриа наһа бараһан Владимир Бадмацывренович Дашинимаевай мүнхэ дурасхаалда зориулагдаһан шатараар үнэгэргэгдэдэг заншалта б-дахы мурысөөн байгша оной декабрин 18-19-ной үдэрнүүдтэ Хэжэнгэ һууринда болобо. Эрдэм нуралсалай хүдэлмэрилэгшэдэй дунда үнэгэргэгдэдэг заншалта мурысөөнэй эмхидхэлэй комитедэй гэшүүд А.Ц.Золтоев В.П.Ботоева хоёрой мэдүүлһэнэй ёһоор аймагай бүхы хургуулинуудай түлөөлэгшэд эдэбхитэйгээр хабаадаба. Заншалта болоһон энэ мурысөөнэй үнэгэргэгдэдэ Цыбан Балданов ехэ хубитаяа оруулаа.

Далай ХУБИТУЕВ.

Хайрата нүхэрэйн ОЧИРОВ

Цырен Цыбиковичэй

наһа бараһан ушараар олон удаан жэлдэ корректорээр ажаллаһан Ж.М.Юцунуовада «Буряад үнэн» газетын коллектив гүнзгий шаналалаа мэдүүлэнэ.

Эмхидхэн байгуулагшад - Буряад Республикын Президент, Арадай Хурал болон Правительство

Ахамад редактор А.А. АНГАРХАЕВ

РЕДАКЦИОННО КОЛЛЕГИ: Б-М.Ж. БАЛДАНОВ (ахамад редакторай орлогшо), Г.Х.ДАШЕЕВА (ахамад редакторай орлогшо), Б.В. ГЫНДЫНЦЫРЕНОВ (харюусалгата секретарь), таһагуудыс даагшад: Н.Д.НАМСАРАЕВ, А.А.-Н.ГЕРГЕНОВ, Т.В.САМБЯЛОВА, Д.Ш.ХУБИТУЕВ, С.Д.БУДАЕВ, А.Д.ТАПХАЕВ, Д.ДАНГАЕВ (ахамад редакторай орлогшо), В.И.ПИНТАЕВ (хэлбэлэй директор).

Манай адрес:

670000, Улаан-Үдэ, Каландаршвиллин үйлэс, 23, "Буряад үнэн" газетын редакци.

Газет хэлбэлэй 1 хуудан хэмжээтэй. Индекс 50901. Хэһэ 3350 (хамта 20.000). Хэлбэлдэ тушаагдаһан саг 17.00.

"Республиканска типографи" гэхэн АО-до газет хэлбэлдэ. Директорийн телефон: 21-40-45. Б-0079-дэхи номертойгоор бүрихэлдэ абтанхай. Заказ № 8467

Редакциин телефонууд: ахамад редакторай - 21-50-96, приёмын - 21-54-54, ахамад редакторай орлогшонорой - 21-68-08, 21-64-36, харюусалгата секретариин - 21-50-52, секретариатай - 21-50-52, таһагууд: экономикаын болон политикын - 21-55-97 (дагшан), 21-63-86, соёлой, түүхын болон спортын - 21-60-21 (дагшан), 21-57-63, залуунуудай, оюутдай ажабайдалай болон олонитын хүдэлмэриин - 21-54-93 (дагшан), 21-69-58, мэдээлэлэй болон захилэй - 21-34-05, рекламны, сонсохойлой болон коммерческэ ажалай - 21-62-62, 21-67-81, хэлбэлэй - 21-33-61, оператор-корректорнүүдэй - 21-61-35, фотокорреспондентнүүдэй - 21-33-61, компьютерна түбэй - 21-66-76, бухгалтерн - 21-23-67, вахта - 21-60-91.

Тоонуудай, бодото баримтануудай, хүнэй, нютагай нэрлүүлэй эбшэлгые хазгайрууһан ушарта авторнүүдын харюусалгатай. Редакциин һанамжа автарайхитай адли бэлгэ байха магад.